

Vahgonq

Dieglaeg ndaw haij miz cungj bya ndeu heuhguh byadamajhah. Bya neix caenhguenj seng youq ndaw dah gyoetnit, cix aenvih ndaw dah gyoetnit ra mbouj ndaej maz doxgaiq gwn, cijndei riengz diuzdah youz roengzbae ra gwn, itcig youz ya youz, doeklaeng youz daengz ndaw haij. Hoeng, cungj bya neix cix doiq dieg ok gyaeg iugouz gig sang, itdingh aeu youq ndaw dah gyoetnit, byalgw cij ndaej dotbyak okdaeu. Yaek daengz seiz ok gyaeg, duz byadamajhah couh haidaeuz yiengq diegcoj youz dauq. Diuz roen dauq diegcoj geij cien goengleix, miz raemxdiuqdan, lij miz gak cungj gak yiengh gazgiengh. Hoeng, bya neix baenzbaenz cungj mbouj lau, gien-dingh yiengq diegcoj youz bae. Youz daengz diegcoj, duz byadamajhah sikhaek baenz doih baenz doih ven congh ok gyaeg. Aenvih daj baez youz dauq hwnj, gyoengqde couh mbouj caiq gwn doxgaiq, caj byalgw ok gyaeg, gyoengqde gaenq baeg ndaej naetnaiq raixcaix. Hoeng, couhsuenq baenzneix, gyoengqde vanzlij itcig souj youq bangxhenz gyaeg mbouj deuz, cig daengz bonjfaenh yaeng-yaeng dai bae. Caiq gvaq saek sam seiq ndwen, gyaeg dek byalgw ok, seiq haj cien diuz byalgw dotbyak okdaeu lo. Gyoengqde saedcaih daiq iq, mbouj miz rengz bae ra gwn, cijndei gwn noh bohme h daeuj ciengx mingh. Caj gyoengq byalgw majhung lo, miz rengz gag okbae ra gwn, ndang bohme h gyoengqde gaenq cij lw bo goet ndeu ndwi lo. Byadamajhah, mbouj ok sing dwk lwnh hawj raeuz nyi maz heuhguh bohme h cei q hungmbwk youq laj-mbwn.

Bohmeh

父 母

□ Moz Liujgvei



Duzbya baenzneix, vunz hix baenzneix, ndigah cij miz vunz naeuz, daxboh lumj goengq bya nei, hawj lwg ing hawj lwg baengh, daxmeh lumj diuz dah nei, umj lwg haeuj rungj, mbouj hawj lwg deng rumz boq deng fwn sox.

Daxboh

Dahsiuj 7 bi lo, ndaw ranz de ciengx miz duz vaizcoh ndeu. Aenvih hong ndaw reihnaz daiq lai, mbouj ndaej moix ngoenz dawz duzvaiz okbae langh, hoeng youh mbouj ndaej daengx ngoenz cungj gven vaiz youq ndaw riengh. Yienghneix, moix ngoenz haetromh bohme h Dahsiuj yaek okbae guh hong seiz, couh sien yien duz vaizcoh bae ndaw naz cug.

Ngoenzneix banhaemh souhong dauq ranz, daxboh siengj bae yien duzvaiz, deng Dahsiuj rox le, nauh dwk yaek caeuq daxboh caez bae.

Baeznaengz daxboh bae gizlawz cungj gyaeg daiq Dahsiuj riengzlaeng, seizneix yawjraen Dahsiuj siengj caez bae, sikhaek dapwngq lo.

Duz vaizcoh cug youq gyang-doengh nazmbaeklae ngamq gvej haeux sat, liz ranz miz saek song leix gyaeg. Itloh Dahsiuj gangjbetbet, yinx ndaej daxboh riuhaha, song bohlwg yaep ndeu couh byaij daengz nazmbaeklae cug vaiz. Aenvih dien-heiq hwnq lai, duzvaiz youq ndaw naz gaenq rouh ndaej ndang rim naez caez, daegbied uq. Dahsiuj cix di ndeu hix mbouj yiemz, caj daxboh yien duzvaiz daengz henz naz couh humx duzvaiz cienq gien. Dahsiuj mbouj caengz gwih duzvaiz gvaq, gyoengq dahcej daeggo ndaw mbanj cuengq-hag aeu bae langh vaiz gaeqranz, gyoengqde cungj gwih duzvaiz gvaq, hawj Dahsiuj hozhaenz dangqmaz.

Seizneix, ndwn youq henz ndang duzvaiz hawj Dahsiuj angqbuepbuep, lij cam daxboh ndaej mbouj ndaej hawj de gwih duzvaiz. Daxboh gyaeg dahlwg lai, yawjyawj duz vaizcoh mbouj suenq sang, youh yawjyawj roen iq dauq ranz, doengzeiq lo.

Daxboh sien yungh fiengz cat seuq ndang duzvaiz, caiq gig siujsim dwk umj dahlwg cuengq youq gwnz laeng duzvaiz, lij mbouj dingz heuh dahlwg gaeuz ndang gaenxmaenx laeng duzvaiz daeuj baujcz bingz-yaenx, yawhbw h ndei le de cij yien duzvaiz yaeng' yaeng yiengq ranz byaij bae. Byaij daengz buenq roen, Dahsiuj ngiengx gyaeg baez yawj, fatyienh daxmeh couh ndwn youq ndaw mbaek reih mbouj gyaeg, sikhaek angqfwng-fwng iet fwngz sing hung dwk heuh naeuz: "Meh! Meh! Gou youq gizneix!"

Bouxlawz siengj daengz, Dahsiuj iet fwngz seiz duzvaiz ngamq byaij gvaq duenh roen lingq ndeu, de baez iet fwngz, ndang mbouj miz dingj, couh swnh dwk laeng duzvaiz doek roengzbae, henz roen dwg benq oendomq vunz aeu daeuj humx reih ndeu. Da daxboh yawj Dahsiuj couh yaek doek daengz gwnz oen, couh lumj rengz sien hwnj ndang nei, fwt cung gvaqdaeu, cieq hwnj Dahsiuj. Dahsiuj deng daxboh umj hwnjdaeu cij fanjwngq gvaqdaeu, sikhaek daej-nganga. Daxboh umj Dahsiuj byaij ok benq oendomq haenx, doq yaeuh dahlwg doq beng cag hawj duzvaiz dingz roengzdaeu. Caj daxmeh buet gyawj cieq dahlwg gvaqbae, daxboh cij ra ndaek rin hung ndeu naengh roengzdaeu, haeb heuj duet haiz beng ok geij diuz oen raez.

(caengz sat)

Haenh Sam Nyied Sam

三月三礼赞

□ Vaez Fungmingz / 黄凤明

Moix bi baez daengz sam nyied sam, yiuhrumz mbin rim mbwn. Bineix sam nyied sam, yienh dou hai le yinzminz daiyauj daihhoih, dou yawjraen gwnzmbwn yiuhrumz engq lai engq gyaeg lo, ndawsim dou van lumj dangzrwi nei.

Bi' gvaq sam nyied sam, gou naengh youq ndaw ranz yawj 《Sam Nyied Sam》 hawfwen diemj boq, gyoengqvunz ciengq go diuq foux ndaet lumj faengx nei, fwen rwenzbwenbwen, hwnjhwnj roengz-roengz. Haenh cwnqcz dangj raeuz ndei, haenh lajmbanj raeuz cinghseuq, gyaranz engq gyaeg, haenh cingcinj duet hoj guh ndaej ndei, haenh sevei cinbu daengjdaengj.

Seizgan gvaq ndaej vaiq lai, baez yaep da sam nyied sam youh daengz lo. Caemhseiz, gij va lingzlaeux dwk hai rim gwnz bya caeuq gyang doengh, angqcoux raeuz, bineix gij va henjrwg engq gyaegndei lo, engq yinx vunz bae

yawj, gyoengqraez fwngz yien fwngz youq henz va henjrwg haenx eufwen, haenh Cungguek Gungcanjdangj ndei, gyaeg ginzczung, vih ginzczung banh saeh caen; haenh Siz cujsiz gaenx guh hong, gyaeg lwgminz, you saedcej lwgminz gvaq mbouj ndei, ok cwnqcz vih lwgminz, dazyinx caezgya buet coh siujgangh.

Liggaeuq sam nyied, caen daeuj lo. Gou lij caengz guh ndei maz caepcawq, de couh yaek daeuj daengz henz ndang gou lo. Vahsug gangj ndaej ndei—"Sam nyied mbouj caux goek, loeg nyied bae lawz aeu".

Bi' gvaq liggaeuq sam nyied ngoenz daih'it, dou lij gaij cozyez hagseng. Ngoenz daihngaih dou couh buet bae daengz lajmbanj ranzgunz guh gij hong duet hoj. Ngoenz daihsam dwg hawfwen sam nyied sam. Dou gaem haeuxcid haj saek, buet bae daengz hawfwen dingq fwen, ngeix- ngeix song ngoenz gonq, muengz



Sam nyied sam, gyoengqvunz daeuj eufwen.

hwnj muengz roengz, caen siengj mbouj daengz ngoenzneix dwg ngoenzciet.

Sam nyied sam, dou geijlai maqmuengh neix dwg aen ciet cukgaeuq, maqmuengh gyaegndei ndeu. Hawj dou daiq go va nyinhcaen bae ra aen maqmuengh swheij.

Sam nyied sam, aenvih gwnz-biengz miz aen ciet neix, ndaw sim dou cij ndaej baenzneix angq, fwen Bouxcuengh cij baenzneix rwenz, gij

va hai youq gwnz bya gyang doengh cij baenzneix lengj!

Sam nyied sam, dwg gij siengjmuengh ndawsim dou.

Sam nyied sam, daiq miz aen hohfuk dou.

Sam nyied sam, gij va hai ndaej gig gyaegndei.

Sam nyied sam, laeglemx caeu haeuj ndawsim dou.

Sam nyied sam, miz aen riunyumj dou.